

## Siiraa-Lakk.18.4

### Description

#### Azaa fi rakkisuu sahaabota Nabiyyii (SAW) qunnameâ€“kutaa 5ffaa

##### **7-Abdullah ibn Masâ€™uud (radiyallahu anhu)**

Akkaataan Ergamaan Rabbii (SAW) namoota waliin jiraatan ogummaa fi gamnummaan kan guuttame ture. Namoota gurguddoo fi hoggantoota gosaa gaarummaa fi gara laafinnaan kan keessumeessan turan. Haaluma kanaan, ijoolee xixxiqoos. Kuni Abdullah Ä°bn Masâ€™uud yommuu yeroo jalqabaatif Ergamaa Rabbiitiin (SAW) wal qunnamu gaarummaa isa irraa arge akkana jechuun dubbata: Ani yeroo ijoolle turetti Aqbah ibn Abi Muâ€™ayxiif hoolota tiksaa ture. Gaafa tokko Ergamaan Rabbii (SAW) fi Abu Bakr na biraan darban. Ergamaan Rabbii (SAW) ni jedhan, â€œYaa mucaa! Aannan wayii jiraa?â€ Anis ni jedhe, â€œEeyyen. Garuu [hoolota tanniin eeguf] nama amaanan itti kennameedha.â€ Ni jedhe, â€œHoolaan kormii ishii hin tuqne jirtii? (Kana jechuun hoolaan gurâ€™uu ishii keessa aannan hin jirree jirtii? Yeroo baayâ€™ee hoolan korpheessi irra hin baane aannan hin qabdu waan taatef.)â€ Anis hoola takka qabee itti fide. Nabiyyiin (SAW) gurâ€™uu ishii ni haxaawan. Aannan ishii gadi dhangalaâ€™e, qodaa (qabee) keessatti elmuun ofii fi Abu Bakrin obaase. Ergasii gurâ€™uun ni jedhe: â€œSunturi.â€ Gurâ€™uunis ni sunture. Kana booda ani isatti dhufee akkana jedheen: Yaa Ergamaa Rabbii! Jecha kanarraa na barsiisi.â€ Nabiyyinis mataa kiyya irra qaqqabuun, â€œRabbiin rahmata siif haa godhu. Dhugumatti ati mucaa Muâ€™allam taatedha. (Kana jechuun nama gara wanta sirrii fi gaarii taâ€™eetti qajeelfameedha.)â€ (Bidaayah wa nihaayah-3/32, Siyyar Aâ€™alaami Nublaaâ€™a 1/465)

Haala kanaan Islaamawu Abdullah Ibn Masâ€™uuditif jechoonni lamaan gurguddoon sababa isaaftaâ€™anii jiru. 1ffaa-Mataa ofii irraa, â€œAni nama amaanan itti kennameedha.â€ Jechuu. 2ffaa: Jecha Nabiyyiin (SAW) isaan jedhaniidha: â€œRabbiin rahmata siif haa godhu. Dhugumatti ati mucaa Muâ€™allam taatedha.â€ Jechoonni lamaan kunniin jirenya isaa keessatti dhiibbaa guddaa uumanii jiru. San booda sahaabota aalimman taâ€™an keessaa aalima hundarra beekkama taâ€™ee jira. Abdullah warroota yeroo jalqabaatif gara Islaamatti dursan keessa tokko taâ€™uu waliinu gara Habashaa fi Madiinaatti godaanee jira. Akkasumas, nabiyyii (SAW) walin lola Badri keessatti hirmaate jira. Nabiyyitti maxxanuun tajaajila ture.

##### **Namni Jalqabaa Qurâ€™aana ifatti baasee qaraâ€™e**

Abdullah ibn Masâ€™uud gosa isa eegu kan hin qabne fi qaamni isaa dadhabaa, lukti isaa qalâ€™oo haa taâ€™uyyuu malee gootummaa isaatiin Ergamaa Rabbii (SAW) booda namni jalqabaa Qurâ€™aana ifatti baasee Qureeshota fuunduratti qaraâ€™eedha. Guyya tokko sahaabonni Nabiyyii (SAW) bakka tokkotti walitti qabamanii akkana waliin jedhan, â€œRabbiin kakanne! Qureeshonni Qurâ€™aana kana kan ifa bahee isaaniif dubbifamu hin dhageeny. Eenyutu isaan dhageessisa? Abdullah ibn Masâ€™uud ni jedhe: â€œAnaâ€ Isaanis ni jedhan, isaan srratti sodaana. Nuti nama gosa isa eegdu qabu barbaanna.â€ Innis ni jedhe, â€œNa dhiisaa, Rabbiin na eegati.â€ Abdullah Ibn Masâ€™uudis ganamaan yommuu Qureeshonni walitti qabaman Maqaama Ibraahima bira dhaabbate, Suuratu Ar-Rahmaan qaraâ€™uu jalqabe. Innis gara Qureeshotatti garagalee sagalee olkaase qaraâ€™e.

Qureeshonnis wanta inni jedhu itti xinxallaniiakkana waliin jechuu jalqaban: Mucaan Umm Abd maal jedhee?â€ Isaanis walitti deebisuun ni jedhan: Inni wanta muraasa Muhammad fide dubbisa.â€ Isaanis gara isaatti kaâ€™anii fuula isaa irra rukutuu jalqaban. Innis hanga Rabbii fedhe hanga gahuutti qaraâ€™u itti fufe. Fuula isaa miidhani osoo jiru gara sahaabotaa deebiâ€™e. Isaanis ni jedhaniin: Kuni wanta sirratti sodaannedha!â€ Innis ni jedhe: Dur caalaa amma diinonni Rabbii na biratti gatii kan hin qabne taâ€™an. Yoo feetan borus haala wal fakkaatan isaaniif bariisifadha.â€ Isaanis ni jedhan: Si gaha. Wanta isaan jibban isaan dhageesistee jirta.â€

Haala kanaan Abdullah ibn Masâ€™uud Ergamaa Rabbii (SAW) booda nama jalqabaa Qurâ€™aana ifatti baasun qaraâ€™e taâ€™e.

### **8-Khaalid ibn Saâ€™iid ibn Al-Aas (radiyallahu anhu)**

Khaalidiif wanti akka Islaamawu sababa taâ€™eef, yeroo Nabiyyiin (SAW) mulâ€™atan abjuu arguu isaati. Abjuu keessatti caafi boolloo ibiddaa irra kan dhaabbatu taâ€™ee of arge. Naannawa kanatti nama isa itti dhiibutu jira, Nabiyyiin immoo akka boolloo ibiddaa tanatti hin kufneef isa qabu. Khaalidis abjuun kuni dhugaa akka taâ€™ee amanuun hirriba isaa keessaa ni dammaqe. Innis Abu Bakr Siddiiqitti odesse. Abu Bakris ni jedheen: Kheeyrii siif barbaadame, Kuni Ergamaa Rabbii, kanaafu hordofi.â€ Innis gara isaa deemun ni Islaamawe. Abbaa isaa sodaachun Islaama ni dhokse. Garuu abbaan isaa yeroo baayâ€™ee isa fuunduratti kan hin mulâ€™anne taâ€™uu yommuu argu Islaamawu isaa ni beeke. Abbaanis obboleeyyan Khaalid yeroo sanitti hin Islaamofne akka isa barbaadan itti erge. Innis obboleeyyan isaa waliin ni dhufe. Abbaanis hanga mataa isaa irratti cabsutti ulee harka isaa jirtuun ni rukute. Ergasii Makkaan keessatti isa hidhe. Isa waliin akka hin dubbanne obboleeyyan isaa ni dhoowwe. Hojii isaatirraa issaan akeekachiise. Haala isatti dhiphisuun isa beelesse. Guyyaa sadiif bishaan irraa kÃ½te. Khaalidis kanarratti kan obsuu fi mindaa Rabbiiin irraa abdatu ture. Ergasii abbaan isaa ni jedheen: Rabbiiin kakadhe, soorata irraa si dhoowwa.â€ Khaalidis ni jedheen: Yoo na dhoowwite, dhugumatti Rabbii wanta ittiin jiraadhu naaf kenna.â€œ Ergasii isa jalaa miliqee gara Ergamaa Rabbii (SAW) deeme. Isa kan kabajuu fi isa waliin taâ€™aa ture. Yeroo Muslimoonni gara Habashaa yeroo lammatatiif godaan Khaalidis issaan waliin godaane.â€ (Siiratu Aâ€™alaamu Nubalaâ€™a 1/260)

### **9-Usmaan ibn Mazâ€™uun (Radiyallahu anhu)**

Usmaan ibn Mazâ€™uun yommuu Islaamawu gosti isaa Banu Jumh isatti diina taate. Isa ni rakkisan. Isaan keessaa namni hundarra isa rakkisaa fi azzabaa ture Umayyah ibn Khalaf. Rakkoo kana jalaa dheessun Usmaan gara Habashaa godaane. Yeroo muraasaaf Habashaa keessa erga turee booda Muslimoota gara Makkaa deebiâ€™an waliin ni deebiâ€™e. Garuu eeggumsa Waliid ibn Mughiraatin malee Makkaan keessa seenu hin dandeenye. Yeroo sanitti namni tokko eeggumsa nama beekkama tokko jala yoo seene namoonni isa hin tuqan. Usmaanis eeggumsa waliid jalatti tasgabbaâ€™a taâ€™ee jiraachu itti fufe. Garuu rakkoo sahaabota Nabiyyii (SAW) irratti roobu yommuu argu, nageenya isaa kana ofirratti jibbe. Ni jedhe: Rabbiiin kakadhe! Balaa irraa wanti ana hin tuqne hiriyoota kiyyaa fi warra amantii kiyyaa karaa Rabbii keessatti issaan muudataa osoo jiru ani ganamaa galgala namticha warra shirkii irraa taâ€™ee jalatti nagaha taâ€™a. Kuni nafsee kiyya keessatti hanqinna guddaadha.â€

Innis gara Waliid ibn Mughirah deemunakkana jedheen: â€œYaa Abbaa abdu shams (Kana jechuu Waliid) dirqama kee guuttee jirta. Eeggumsa kee siif deebisee jira.â€ Innis ni jedha: Maaliif yaa ilma obboleessa kiyyaa? Tarii ni rakkifamte yookiin mirgi kee ni sarbame.â€ Usmaanis ni jedhe, Lakki. Garuu eeggumsa Rabbii oltaâ€™aa barbaada. Isaan ala eenyurraallee eeggumsa hin barbaadu.â€ Ni

jedhe: Gara Masjiidaa deemitii akkuma labsee eeggumsa siif kenne, akkasuma atis labsii eeggumsa ani siif godhu naaf deebisi. Isaan lamaanu gara Masjiida deeman, namoota fuunduratti eeggumsa isaa deebiseef. Ergasii Usmaan gara iddo Qureeshonni walitti qabamanitti garagalee. Ä°saan waliin ni taaâ€™e. Ä°saan keessa nama walaleessa Labiid ibn Rabiiâ€™ah jedhamutu jira. Akkana jechun walaleessu jalqabe: â€œDhugumatti Rabbiin ala wanti hundu soba. Usmaan ni jedheen dhugaa dubbatte. Labiidis walaleessu itti fufee: â€œShakkii hin qabu, qananiin hundi kan baduudha. Usmaanis ni jedheen, sobde qananiin Jannataa hin badu. Labiidis ni jedhe, â€œYaa tuuta Qureeshaa! Kana dura eenyullee nama isa waliin taaâ€™e hin rakkisu ture. Kuni urga yoomiti isin keessatti dhalatee? Namoota keessaan namtichi tokko ni jedhe: inni kuni namoota gowwoota isa waliin jiran keessaan tokko. Dhugumatti amanti keenya gadi dhiisanii jiru. Jecha isaatiif homaa hin yaaddawin. Hanga dhimmi isaan lamaan jidduutti badaa taâ€™utti Usmaan isatti deebii deebise. Namtichi kuni olkaâ€™ee ija issaa keessa dhaye. Ijji isaas bulee taate. Wanta Usmaan irra gahee Waliid ibn Mughiirah dhiyoo irraa argaa ture. Akkanas jedheen: Yaa ilma obboleessa kiyyaa! Ijji tee wanta ishii tuqee irraa duroomtudha. Eeggumsa kiyya jalatti tan eeggamturte. Usmaanis ni jedheen: â€œRabbitin kakadhe! Ijji tiyya fayyaan karaa Rabbii keessatti wanta akka obboleetti ishii (ija biraa) tuqetti garmalee hajamti. Yaa Abbaa Abdu shams kan si caalaa jabaa fi dandaâ€™aa taâ€™ee jalatti eeggumsa qaba. (Kana jechuun eeggumsa Rabbii si caalaa jabaa fi dandaâ€™aa taâ€™e jala jira.) Ergasii Waliid yeroo lammataatif eeggumsa isaaf dhiyesse garuu Usmaan ni dide.

Kuni kan agarsiisu ciminna iimaana isaatii fi Rabbitin biratti mindaa guddaa kajeelu isati. Kanaafi, yommuu inni duâ€™u, ummu Al-Alaaâ€™a Ansaariyyah abjuu keessatti burqaa isaaf yaatu argite. Ishiinis gara Nabiyyii dhufte itti beeksifte. Nabiyyiinis (SAW) ni jedhan: â€œSuni hojii isati. ([Sahih Al-Bukhaari 7004](#))

Sahaabonni hanga ammaatti eerre akka fakkeenyati malee sahaabonni biroo harka mushrikoota keessatti rakkatanii fi azzabaman baayâ€™eedha. Rakkoo abbooti fi firoota isaanii irraa isaan haa qunnamuu malee daâ€™waa Rasuulaatitti ni qajeelan. Islaama keessa seenun dura qananii argatanii fi wanta isaan adda godhu hunda ni wareegan. Mindaa guddaa Rabbitin bira jiruu kajeelun rakkoo ni saaxilaman, rakkolee obsaan dandaâ€™an. Kuni nafsee keessatti hojii iimaanati. Yommuu iimaanni nafseen walitti makamu ulfaatinni hundi namarratti salphata.

Rakkoo fi azaan dhiirota qofarratti kan gabaabbate osoo hin taâ€™in dubartootas kan muudateedha. Dubartoonni akka Sumayyah bint Khayyaax, Faaximah bint Khaxxaab, Labiibah dubara Banu Muâ€™ammal irraa taate, Zinniirah Ar-Ruumiyah, An-Nahdiyyah fi intala ishii, Umm Ubays, Humaamah haadha Bilaal fi kanneen biroo rakkoo fi adabbiif saaxilamanii jiru. Rabbitin isaan hunda irraayu haa jaalatu.

### **Kitaabban wabii:**

[As-Siiratu Nabawiyyati](#) fuula 159-162, Alii Muhammad Sallaabi, [Noble Life of The Prophet](#) [English] 1/409-423

### **Date Created**

October 14, 2019

### **Author**

admin